



2059

Bullomp.

I.

Mag. St. D.

P

1888. XII. 192.

Loxocechinus Indr.

506

60 unch

Loxysa 4745. br.

4826

Biblioteka Jagiellońska



stdr0001139



SER^{mis} ARCHIDVCIBVS AVSTRIÆ

MAXIMILIANO

Eiusq; Sorori Virgini,

MARIÆ CHRISTIERNÆ.

ALTERI VOTVM,

Vt Magni Patris incitatus exemplo, clârissimis in
Patriam Meritis Nominis sectetur conse-
quaturq; Immortalitatem:

ALTERI PARÆNESIS,

Né ob hominum opiniones, de hoc quod humani-
tûs malis artibus factum est, quicquam de a-
nimo optimè sibi conscio remittat.

XENII NOMINE

AB ANDREA LOEAECHIO SCOTO

DICATVM.



CRACOVIAE.

In officina Ioannis Szeliſa. A. D. 1606.

BIBLIOTHECA
VNIV. IAGELL
CRACOVIENSIS
2059 I

MAXIMILIANVS
ARCHIDVX AV-
STRIÆ

Per Anagramma:

MERA AC DIVINA LVX SV-
IS, AT MIHI ARX.

Votum Ad eundem.

AVstriacæ flos alte Domûs, cum sanguine mores
Quem Patris exornat, sanctæ stirps chara Parenti,
Omen habe Xenio : celebri haud sine nominis aurâ
Cui Votum accessit. Bonus exitus omnia firmet.
Qualis erat Genitor, spes est te certa futurum :
Degenerem Matri te nulla redarguet ætas.
Iam rebus satur humanis, terrisq; regendis,
Ille polum petiit licet, vsq; in prole remansit :
Quale cadens arbor, quæ germina tollit in auras,
Vel collapsa viget viridî radice renata.

Credo ego, cùm Matrem grauidam Lucina leuasset,
Intonuiffe Larem. MERA AC DIVINA puellus
LVX erit iste SVIS, ARX AT MIHI robore firmo,
Cui Fama accrescet, nullis minuendâ susurris,
Fama per æternam lucem sensura decorem.
Hic puer, hic fuerit qui non abs mente iuuentæ
Disperdet cursum : sic nil propè linquet inausum.
Quo Marte & Musis cuiquam splendescere fas est.
Orte puer, Patris solium obtrenture, potenti
Dent fata esse tibi : rebus decus insuper adde,

Quantum.

Quantumuis magnis. In quas fato ederis, oris
Regna noua adicias, tanto cumulesq; fauore,
Vt non Creta suo magè sit deuincta tonanti,
Debeat haudq; suo suo Plus India salua Philip po.

Dixit, & adiecit, subeunte in verba Parente:

O citò speratos de te, flos candide, fructus
Patria decerpat, viridiq; rependat Honore;
Quo tua perpetuis mandentur Nomina Fastis.

Archiducis Sanguis, Diuûm certissima cura,
Cætera tu nostris de te permitte Camœnis.
Fas augere mihi, fas vota iterare precando.

O cui Aonidum concessum intrare recessus:
O cui sub Phœbo licuit florente vigere,
Ingenuasq; artes trahere in compendia laudis;
Sic spe cultorem non est frustrata nouena
Turba, Tibi testes Romani Cæsaris aures,
Pieridum quàm te ditârît melle sororum
Quæque suo: quantum ô decus hac de sorte creatum.

Patria speratos de te, flos candide, fructus
Decerpat citiùs, viridiq; rependat Honore:
Quo tua perpetuis mandentur Nomina Fastis.

Spes Generis Magni Maxæmiliane, potentis
Gloria magna soli, Cæli indubitata propago,
Dñi tibi concedant vt Patrem Laudibus æques,
Et Matrem Pierate: à te sint lumina nunquam
O auersa Deûm: te ad maxima, Maxmiliane,
Numina conseruent, factis tribuantq; Coronam,
Non te degenerem, Iuuenis dignissime, cœptis
Viderit vlla dies: calcar tibi Patria virtus
Et stimulos addat. Maneat te Fama Parentis:
Illius regum feliciter effer in altum

Per gesta ô Nomen, sortemq; acquire merendo.

O cito speratos de te, flos candide, fructus
Patria decerpat, viridiq; rependat Honore,

Quo tua perpetuis mandentur Nomina Fastis.

Mox aderit tempus: sic crescit robur & ætas
Integra, quæ ad Patrias te hastas atq; arma vocabit.

Dñ tibi dent animos, agit vt quem sæua cupido,

Iam se præscripto discat breuiore tenere,

Contractis votis, gyro te arctante vagantem.

Surge per illustres titulos, clarosq; triumphos

Heroo meditare animo: In fastigia tollit

Bellipotens ira te Mauors, atque inseret astris.

Inuictum ô maneat iusti te præmia belli:

O maneat tituliq; omnes omnesq; Triumphi,

Carolus est quondam meritis quæ agnomine Magnus.

Gloria te circum volitet plaudentibus alis,

Inuitans ausis transcendere in ætheris axem:

Fama tegat totum Laudumq; hinc inde cateruæ,

Suspiciant vnumq; omnes: orneris Honore

Dextræ Immortalis, quâ sic super alta feraris,

Gentis in astra suæ veluti per facta Quirinus.

O citò speratos de te, flos candide, fructus

Patria decerpat, viridiq; rependat Honore,

Quo tua perpetuis mandentur Nomina Fastis:

Dñ, quibus Austriacos studium est seruare penates,

Sit multum curæ Hic vobis. Conuertite ô orsus

In solidum effectum, finem qui ferre recuset.

Iuppiter, Huic Iuueni Patriâ Pietate nitenti

Da Patrium tetigisse decus, Patriæq; quietem

Inuocere. O clarum recturo Sydus ab alto

Prænite, & in portus duc, aura salubris, amœnos.

Volue retrò, Parca ô, seriem fatumq; retexe,

In caput hoc reuocans quicquid promittitur vlli

Splendoris lucrandi ausis, aut nominis almi.

O citò speratos de te, flos candide, fructus

Patria decerpat, viridiq; rependat Honore,

Quo tua perpetuis mandentur Nomina Fastis.

Nunc

Nunc leuiore Lyrâ, at clangore canere tubarum
Maxmiliane aliâs, cum quondam Marte Paterno
Hostibus incipies Patriam decorare Trophæis
Deuictis. Video, video dextram inclytam & ingens
Venturum Martis specimen, quod signa sub Eurum
Ferre parat roseum, signare & Doride metas
Imperij, Genitor quod spe præsumserat olim.

FINIS.

MARIA CHRISTIERNA
ARCHIDVCISSA
AVSTRIÆ

Per Anagramma, alterâ aspiratione demptâ :

I EIA TVI CVRAS, IRAM HANC
TRADE SACRIS ARIS.

Parænesis Ad Eandem.

SV sceptas emensa vias Constantia, Regna
Sarmatica attigerat: sublimi in sede locata
Gratati Proceres: dictus iam ritè Hymenæus:
Iamq; dies, alterq; illum, decimusq; sequutus
Lætitia: datus est varia in spectacula rerum.
E numero innumero nec quisquam tristis abibat.
Applausu longo attonitus iam cominus ibat.
Adproperans quamuis Neptuni incurrere saltus,
Vistula Carpatho natus. Propemœnia postquam

Constitit at Craci, notam conspexit & Urbem,
Intuitus Vandæ sedem (dum vita manebat,
Vanda decus Patriæ, magno terrorq; Gra diuo)
Quà summa excisæ fundamina rupis, ab annis
Grandæuus genitor, sperati certus honoris,
Sublimem posuit venturis Regibus arcem:
Illachrymans hæc commemorat: Saluete penates,
Et Cereale solum. Vix hæc, dein tristiùs ore
Institit, obrutuq; solo non mobilis hæsit.

Endymion ô, fata tuis quàm prospera rebus,
Cynthia dum tibi spontè fauet, Iunone iubente,
Inuidere Dei tales, irati, Hymenæos,
Inuidere, puto: nunc commoda perdita cernens,
Vulnus alis, furdo votum committis & Austro.
Terfelix Vanda ô, nec in has data sponsa querelas
Ritogaro, viden vt nil tali turbine dignam
Fortuna affligat: Læta omnia fingit ocello:
Auro innectuntur, ceu lætæ, lactea colla.
Immò, tanquam animo per Regia testæ sonantes
Sint cantus vocesq; Italæ, promptè auribus haurit:
Lætitiâ at simulans premit altos corde dolores,
Virginis obseruant Heroës ora tacentis,
Interdum dulce eloquium, consultaq; verba:
Interdum, Nemesis irati, sermone malignas
Incusant artes: nec sunt qui mentibus æquis
Accipiant. Fare ô, Latonæ an soluis Amores
Hoc pacto, Endymion? Gemitus suspiriaq; alta
Virginis audistis diui, quos sustinet Atlas,
Decolor obscuro quos Stryx interluit amne,
Et quos cœruleos spectat Galathea per æstus:
Et vos, quos rutilâ prospectat lampade Phœbus,
Esto agendum testis, cinxti quæ tempora fertis
Ista Diana. Mihi neu te Saturnia flecte:
Da sim Threiciâ Cepheis vincita catenâ,

Nec

Nec forti pro me mediretur praelia dextra
Perseus. Expertem thalami perijsse iuuabit,
Ne lucem morer inuisam, terrasq; per omnes
Fabula sit vulgi mea mens super æthera magnis
Pura reperta deis. Peream: perijsse iuuabit.

Ter felix Vanda ô, nec in has data sponsa querelas
Ritogaro. Latè Istulei adsonnere penates,
Ter felix Vanda ô, nec in has data sponsa querelas
Ritogaro. Quondam si pulsus ab vrbe Superbus,
Dum, præsentem viro, pectus confodit eburnum,
Vltà in se raptum Lucretia casta pudorem,
Dissimile. Endymion, tu trudier orbe mereris
Ob crimen: Romani at tecum Cæsaris, exsul,
Mitiùs ira facit, proprijs dum seruat in oris,
Exsilium velut immeritum. Rapuisse Sabinas,
Huic compone, leue est: raptam donauit honore
Raptor quisque thori: tu vincla iugalia soluens,
Suspicionem noras meliora merentem Hymenæum.

Neutrius at culpa hæc: testes sunt Numina vtrique.
Quem, quem ô tu Latona gemis, sub pectore mœsta,
Quamuis læta sinus? Longè tua dignior vmbra est
Artubus Endymionis. Certam criminis ansam
Dij meliùs nòrunt, qui, læsi ob iura cubilis,
Arbitrio pœnas sumunt, pœnasq; remittunt.

Perfer & obdura: satis est quòd nulla per orbem,
Siue animi certamen erit, seu sanguinis alti,
Siue pudicitiae, iusto sub iudice Palmam
Ablatura tibi. Merito hinc celebrabere honore,
Missa retrò postquam præsentia secula recedent.
Pascit enim viuos liuor: bene conscia cui mens,
Vnà hominum linguas famæ riderq; susurros.
Frustrà ferta Aris ponis, floresq; deabus,
Confirmasq; fidem: (Quid opus tibi testibus istis,
Cui Dij sunt testes?) frustrà, quia casta, pudorem

Inculcas. Mens, mens lingua tibi fortior omni
Mille fouens testes, hominum despectat ab alto
Ora audax. Viden aetheriae regina choreae
Praeferat ut caelo haud terras, telluris in umbram
Ingreditur quoties? Vulgi tamen hoc putat error.
At facit Errorem verae ignorantia causae:
Umbræ mox etenim defuncta labore, coruscum
Absconsa lucis mortalibus exerit orbem:
Sic tua fama altâ minimè sub nocte iacebit.

Pone metum: pelle infestum de corde dolorem,
Nec culpâ quicquam nec suspitione grauatò.
Est tibi salua fides, nec Virginitatis egena.
I (licet haud promas violati pectoris arma,
Iuratos Superos in voces nacta Pudoris)
TRADE SACRIS IRAM HANC ARIS: committe
EIA TVI CVRAS: neu credulitate timorè (tonanti
Nutri, Virgo. Haud Heroinis (esto fidelis
Experta hoc testis) non Regibus atq; Monarchis,
Telluris Dominis Fortuna indulget Amores
Constantes. Fatorum etenim sunt numine cuncta
Nec bona nec mala perpetuo subiecta tenori.

FINIS.





